

ONTARIO WAASMOOWIN NYAAGDOWAABMDAMJIG DBAAJMOWIN KINA GAASHPINAJGEJIG ZHINDA HYDRO ONE BAGWADKAMIG ODENANG INC.

Hydro One Bagwadkamig Odenang Inc. agii gwedwe awii giignamwaad engindeg waasmowin.

Woshme gegoo aga gkendman. Kidan enwendman.

Hydro One Bagwadkamig Odenang Inc. agii niindaawenaa-aa gwedwewin odi Ontario Waasmowin Nyaagdowaabmdamjig awii giignamwaad waasmowin engindeg awii maajtaamgak Zaagibagagiizis 1, 2018. Aggishpiin mnawaabmijigaadeg gagwedwewin:

- gwayaa gbeboon endaad enikaazad waasmowin zhinda Hydro one Bagwadkamig Odenang Inc. megwaach gwa \$1.55 ensa ngwo giizis ada waabmdaan giignigaadenig waasmowin
- gwayaa jina ebidaad megwaach gwa \$1.79 ensa ngo giizis ada waabmdaan giiknigaadenig engindeg waasmowin
- Gimaa debangig endaaig enkaazjig waasmowing megwach agwo \$8.90 apiinsh \$13.05 ensa ngo giizis adaa waabmdaanaa-aa giiknigaadeg waasmowin, manjgo-iidig endgwen mikan aji namag odenang, maage baasjignig goweta azhi dgooshnang odenang
- aanin yaa-abi bemadzijig, miinwaa nakiigamgong, gewiinwaa gnimaa ada bsikaagnaa-aa giiknigaadeg engindeg waasmowin

ONTARIO WAASMOOWIN NYAAGDOWAABMDAMJIG AWII YAANAA-AA ODENAA MAAWANJI-IDIWIN

Ontario Waasmowin Nyaagdowaabmdamjig awii tonaa-aa maawanji-idiwin, aabitooseg, Gashkadino-giizes 29, 2017, odi Victoria Gbeshiigamig miinwaa enji maawnjiding, 555 Arthur St. W. odi Thunder Bay, Ontario, niizhoo dbagneg apiinsh niwo dbagneg shkwaa naakweg (shkwaandeman adaa nsaagnigaadenon ngoodbagneg shi aabta shkwaa naakweg) awii abi:

- Woshme awii gkendman ninda Hydro One Bagwadkamig engindeg miinwaa engindeg ezhi dbaamjigaadeg.
- Ndakendan OWN awaazhi gnawaabmijigaadeg onoshowewin.
- Gegii gda dazhiikaan miinwaa gda akid gegii enwendman maanda onoshowewin odi OWN.

ONTARIO WAASMOOWIN NYAAGDOWAABMDAMJIG AWII YAANAA-AA BEMAADZIJIG MAAWANJI-IDIWIN DZHINJGEWIN

OWN awii toonaa-aa bemadzijig maawanji-idiwin awii dibegendamowaad onoshowewin agaa biidoowaad Hydro One Bagwadkamig. Epiichi bzinjgawaad, adaa gwejmamaan Hydro One Bagwadkamig waanji giiknamwaad engindeg waasmowin. Ngaa noondaanaa ekwedwewaad miinwaa abi aagnootaagewinan bemadzijig miinwaa maamwi wiijiindjig abi gnodmoowaajig Hydro One Bagwadkamig gaashpnajgeig. Shkwaa bzinjgawaad enji maawanji-idiwin, OWN ada inakonigewok, endgwen aji bgidnigaadeg awii giiknigaadek waasmowin engindeg.

Eswe-okijig, dbishkwo Hydro One Bagwadkamig gwedwewok awii gnawaabmijigaadeg engindeg waasmowin ensa naana bboon. Aanind anjchigaadeg engindeg waasmowin jibwaa naana boonguk adaa gwedwewok nikaazang OWN naabishkaagemagak ewii wiijii-emgak anibibdeg kina gegoo engindeg miinwaa aanin gegoo enaadmaagemgak awii zhaabwiichgeng. Gaawii gnimaa gdaa wiindmaagoosii awii giignigaadeg engindeg waasmowin nikaasan maanda naabishkaagemagak.

OWN njikegaabwilog miinwaa gaawii gwayaa wiidookwaasiwan gwaya. Ndo zhitoonaanin naaknigewinan awaa msendmowaad bemadzijig. Ndo gshkitmaazowinan aawan awii gaandnamang mengindeg miinwaa menbidegin bebakaan enanakiing age miigwed waasmowin mengindeg.

GKENDAN EZHIWEBAG MIINWAA KIDAN ENWENDMAN

Gdaa-aan gwa gshki-ewiziwin awii gkendman ezhiwebak maanda onoshowewin miinwaa awii wiiji dashiikaman enakiin.

- Gdaa bzindaajige OWN odena maawanji-idiwin (apii waa zhiwebak zhibiigaade maampii shpiming) genji gagwedwewin gegoo, kidyin gegoo miinwaa dbaad-damin ezhi znagendman.
- Maajibi-igan gdaa niin-daawen dbaad-daman enendman, age dibewagendeg epiichi dazhinjgaadeg maanda onoshowewin.
- Gdaa awa gwa mikowetaagoozid. (naanaagwi-iing eyaad). Gagwedwen jibwaa niwiiin giizhgag Bboon Giizis gonimaa ninda dzinjingewinan ada azhi maajtaamgadaan yaasiwan miinwaa gaawii gegoo yaa-abi aga wiindmaagwosii maanda awii nankiing.
- Shkaa dajinggaadeg maanda onoshowewin, gdaa ndakendaan agaa naaknigewaad OWN, miinwaa gaazhi zhitowaad maanda naaknigewin odi waasamoo-asabi-mazina-igan.

WOSHME GEGOO AWII GAKENDMAN

Ninda shki waasmowin nangdewinan iniwenjigemgadaan maampii Hydro One Bagwadkamig waasmowin bmibdechgaadeg. Ndo mooshkinebii-igewinaa maanda onoshowewin zhinkaade **EB-2017-0051**. Woshme awii gakendman maanda bzindaajigan, gdaa gnoowaabmdaan awaa zhichgewin awii maajibiige-in maage awii aawayin mikowetaagoozid, maage awii gnoowaabmdaman mzinignan waajii-emgak zhinda gwedwewining, gdaa gnoowaabmdaan mooshkinebii-igan **EB-2017-0051** odi OWN waasamoo-asabi-masin-iganin: www.oeb.ca/notice. Gdaa abi giigid Gaashpnajgeig Mna-wiijiendwin maampii 1-877-632-2727 awii gwedwewin gegoo.

DANAANGIDOONANG MAAGE EZHIBIGAADEG BZINDAAGEWINAN

Niish dnawaan tenoon OWN dzinjingewinan – danaangidoonang maage ezhibigaadegin. Hydro One bagwadkamig agii gakwedwena-aa ezhibigaadeg dzinjingewin. Maaba OWN ado gnoowaabmdaanaa-aa maanda gwedwewin. Agiishpin nendman dnaangidoowin dazhinjingewin dowendaagwak, gda maajibiimowaag OWN awii dbaajmawin enji gwedwewin maanda jibwaa niwiiin giizhgag Biboon Giizis.

GIIMOODENDAAGWAD

Agiishpin zhibiiman maajibiigan enwendman, gda nooziiwin miinwaa agaa zhibiiman ada mzinaakde miinwaa ada temgad OWN waasamoo-asabi-masina-igan. Giigdoow biiwaabkons gindaaswinan, endaa-in miinwaa gdo biiwaabikong noozowin gaawii ada mzinaagzigaadesno. Giishpin naakiigamig aawan, kina agwa enakii-in ada mzinaagzigaade. Giishpin gwedwewin mikowetaagoozid awii aawiyin, kina aga gegoo ada mzinaagzigaade.

Maanda engindeg dazhinjingewin zhinda bakebjigan 78, Ontario Waasimowin Nyaagdoowaabmdamjig Naagdoobiigan 1998, S.O. 1998 c. 15 (Schedule B).



Ontario

Ontario Energy Board / Commission de l'énergie de l'Ontario